

# Etablerer nytt eigedomsselskap

I samband med arbeid for ein kristen grunnskule på Skodje, har skulestyret tatt initiativ til å opprette eit eigedomsselskap.

Tekst: Ingrid Kvam Steinhamn

Foto: Illustrasjonsfoto

Dette eigedomsselskapet vert stifta som eit aksjeselskap, som i første runde skal stå som eigar av tomta der skulen ynskjer å etablere seg. Selskapet vil i tillegg kjøpe inn og eige seksjonsbygget som skulen planlegg å starte opp i. Når skulen er kome i gang i mellombels lokale, vil arbeidet med permanent skulebygg byrje. Det er då ynskjeleg at eigedomsselskapet skal bygge skulehus, for så å inngå leigeavtale med skulen.

## SKULE UTAN BYGG

Grunnen til at ein gjer det slik er noko påtvinga, fortel styreformann Odd Asbjørn Nybø. Privatskuleloven sine reglar for

budsjett og tilskotsordninga, tek ikkje høgde for skulebygg som ein faktor i skuledrifta. Det fins ikkje tilskot som skal eller kan brukas til å bygge eller vedlikehalde huset som ein driv skule i. Eit skulebudsjett er pliktig til å gå i null kvart år, altså ikkje i minus eller i pluss. På bakgrunn av dette er det vanskeleg for ein nyestablaert skule å opparbeide seg kapital til skulebygg. Eit separat firma derimot kan eige skulebygget, og det er denne løysinga skulestyret arbeidar fram i desse dagar.

## STYREFORMANNEN FORTEL

*Kvifor eigedomsfirma?*  
Gjennom dette eigedomsselskapet vil alle som har syn for friskulen, kunne vere med på å bygge skulehus, og det til og med utan å gje frå seg pengar. Eg trur den beste måten vi kan støtte skulen økonomisk på, er å vere med som aksjonærar i dette

eigedomsselskapet. Som kristne må vi sjå stort på forvaltinga av økonomien vår, og vi bør tenkje at avkastninga av kapitalen vil bli langt større når pengane vert sett inn i strategisk kristent arbeid enn når pengane står i banken. Eg ser for meg at dette eigedomsselskapet skal verte kristenfolket sitt eigedomsselskap som set seg langt høgare mål enn skulehus på Skodje. Blir mange med som aksjonærar, vil firmaet kunne ta del i andre utbyggingsprosjekt. Eg tenker då først på nybygget til Daggry barnehage på Valderøya, men eg ser også for meg andre byggeprosjekt i framtida.

*Kva er status på prosjektet i dag?*  
Vi har fått tilbakemelding fra 15 potensielle aksjonærar med løfte om kjøp av aksjer for 660.000 kr, og beløpa varierer fra kr 10 000 til over 200 000. Elles har vi kontakt med fleire som ynskjer å delta med aksjekapital – og vi har som mål eit langt større beløp enn dette, så vi er avhengige av at mange blir med.

*Er det noko du ynskjer at lesarane skal vite eller kanskje gjere?*  
Eg ynskjer at lesarane skal vite at å starte ein friskule er utfordrande og vanskeleg på mange måtar, ikkje minst når det gjeld skulehus, og eg vil kome med fylgjande utfordring til dei som har økonomi til å vere med på dette viktige arbeidet: Bestem deg for kor stort beløp du kan delta med, og send melding til Sunnmøre Indremisjon om at du vil vere aksjonær - snarast råd – så får også du vere med på dette store arbeidet!

## FAKTA

- Det er sendt søknad til Utdanningsdirektoratet om å få starte ein grunnskule på Skodje. Ventar svar på denne søknaden hausten 2014.

- Skulesøknaden inneholder grunnskule fra 1. – 10. trinn, max 195 elevar. Dette vert ein friskule med kristen formålsparagraf, lik Møre ungdomsskule og Møre barne- og ungdomsskule.

- Skodje Kommune har sendt ei positiv innstilling ang skulesøknaden til direktoratet.

- Initiativet til friskule på Skodje er tatt av personar fra bedehusmiljøa på Skodje og Sjøholt, og Sunnmøre Indremisjon har vorte utfordra til å stå som eigar av skulen.

- Foreldregruppa (Skodje Friskuleforening, stifta våren 2014) ynskjer at skulen skal ligge så nær Skodje sentrum som mogleg.





**Karl Arne Austnes**  
Kretsleder Sunnmøre  
Indremisjon

## Ny haust og nye moglegheiter

**D**et er alltid spennende å stå fram for ein ny haust. Dei fleste av oss har vel hatt ein uvanleg fin sommar og lengtar ikkje akkurat etter hausten. Det er så godt med sol og varme og rolege feriedagar saman med familie og gode vener der tankar på arbeid og ansvar får kvile.

**Likevel håper eg** at du kanskje har kjent på ein lengt, du saknar det kristne fellesskapet. Dei fleste av oss har ikkje vore på bibelcamp eller kristne stemne og det er kanskje lenge sidan vi var på eit møte. Det er også lett å kome ut av rytmien med bibellesing og bøn når ein er i feriemodus så difor er det noko godt med å kome i rytmene igjen. Det er dette livet handlar om, arbeid og kvile, og å finne den rette balansen.

**Slik er det også** i vårt åndelege liv. «Kom til meg, alle de som strevar og har tungt å bera, og eg vil gje dykk kvile» seier Jesus i matt 11,28. Det grunnleggande for ein kristen vil alltid vere å kvile i nåden i Jesus Kristus. Vi får leggje av alt som tyngjer, og synda som heng så fast ved oss (Hebr 12,1) og kvile i eit fullført og fullkomme frelseverk. Det er ein kristen si herlege stilling og den gir oss verkeleg grunn til å lovprise og takke Jesus. Hjå han er kvile for sjela.

**Men så var det** denne livsrytmen då. For Jesus fortsetter slik i Matt 11,29: «Tak mitt åk på dykk og

*«Det grunnleggande for ein kristen vil alltid vere å kvile i nåden i Jesus Kristus.»*

lær av meg, for eg er mild og mjuk av hjarta». Kristen fridom er å vere bunden til Jesus, avhengig av han og i teneste for han. Denne gleda vonar eg du har fått oppleve. Å blitt sett fri av Jesus, fri til å kvile i nåden og fri til å teme han. Får du leve i denne balansen vil du oppleve eit liv som gir mening og glede.

**Så må vi erkjenne** at det ikkje er alltid det lukkast for oss. Jesus kan komme på avstand og det blir tungt å leve. Det blir vanskeleg å tru og ein lurer på om det nyttar å vere med i det kristne arbeidet.

Då synest eg det der godt med ein ny haust, med nye moglegheiter. I år er det 100 år sidan diktaren Alf Prøysen vart fødd og han har på ein genial og enkel måte sett ord på dette: «Du skal få en dag i mårå som rein og ubrukt står med blanke ark og fargestifter til, og da kan du rette opp att alle feil i frå i går og da får du det så godt i måråkveld». Her finn vi denne balansen. Ein ny dag som er rein, det er nåde. Og blanke ark og fargestifter, det er nye moglegheiter og ein ny start i teneste og arbeid. Eg synest dette er godt. Kanskje lukkast vi ikkje med alt i arbeidet vårt, kanskje nådde vi ikkje dei måla vi hadde sett oss? Kanskje er vi litt motlause når vi tenker på ein ny arbeidshaust? Då skal vi få glede oss over at dagen i morgen er rein og ubrukt og at Herren har blanke ark og fargestifter til. Der er alltid nye moglegheiter så lenge som Herren gir oss arbeidsdagar. Og han har lova å vere med oss alle dagar. Må Gud velsigne hausten for deg!

## ORGAN FOR SUNNMØRE INDREMISJON

**Heimemisjoen**  
Redaktør: Karl Arne Austnes  
Postboks 7836 Spjelkavik,  
6022 Ålesund  
Tlf. 70 17 86 70  
Fax. 70 17 86 69  
Bankgiro: 3000.15.31235  
E-post: sunnmore@imf.no  
Internett: www.imf.no/sunnmore  
Ung Misjon: www.ungmisjon.no

**Brudsalsheimen**  
Telefon: 70 27 45 53  
Bankgiro 3900.31.17255

**Orreneset Misjonsenter**  
Telefon: 70 25 07 56  
Bankgiro: 4045.07.07211

**Daggry barnehage**  
Telefon: 70 18 24 97  
Bankgiro: 3000.21.36682

**Borgund Folkehøgskule**  
Telefon: 70 17 76 00  
Bankgiro: 8220.002.20788

**Møre Ungdomsskule**  
Telefon: 70 17 66 70  
Bankgiro: 8220.02.80287

**Møre Ungd.skule Herøy**  
Telefon: 70 08 05 50  
Bankgiro: 3000.18.45655

**Begravelsesbyrået Sunnmøre A/S**  
Telefon: 70 17 86 60  
Vakttelefon: 90 86 38 56

**Si-Reiser AS**  
Telefon: 70 17 90 00  
www.si-reiser.no

**Radio Sentrum**  
Telefon: 70 15 41 00  
Bankgiro: 3900.21.10311  
www.radiosentrum.no

## Borna vil på leir

**Juni var det samla over 80 barn på sommerleirane Brudsalsheimen.**

Tekst og foto: Ingrid Kvam Steinshamn

Desse leirane fyller framleis leirstaden med latter, leik, bibellesing, bøn, sang og god mat.

På jenteleiren var temaet «Bevar ditt hjerte», og talar Ingrid Kvam Steinshamn snakka om både kvifor og korleis ein kan bevare

eit hjarte. Det vart også mykje tid til hobbyaktiviteter og leik, og jentene såg ut til å trivast godt i lag. Søndagen fekk vi invitere foreldre og søsken til avslutningsmiddag. Mange foreldre, besteforeldre og søsken kunne vere med. Jentene song for gjestane og alle fekk sjå ein liten film frå dagane på leir.

Vi gler oss over leirane som har vore, og gler oss endå meir til leirane som kjem! Det er mange

born og unge som treng nokre dager på leir. Både for å knyte venskap, få ein pause frå ein travle og kanskje krevande kvardag, få høre Guds Ord verte lest og delt og mykje mykje meir.


Ver med og invitere borna på leir! Del informasjon og invitert dei gjerne personleg.

Sjå oversikt over dei komande leirane lengre bak i bladet.



#leirfie frå jenteleiren

## Omstrukturering i Ung-Misjon



Ung Misjon-staben. Frå v. Eivind Landro, Ingrid K. Steinshamn og Rannveig Nybø.

### Nye fjes, og endringar i staben.

Tekst og foto: Ingrid Kvam Steinshamn

For dei som følg med på Facebook og heimesida www.ungmisjon.no, så har de kanskje lagt merke til eit nytt fjes i UngMisjon-staben. Ingrid Kvam Steinshamn frå Frekhaug utanfor Bergen har vore tilsett frå 20.mai, og er allereie godt i gang med arbeidsoppgåver og planer for det komande

året. Eivind Landro og Rannveig Nybø er også med vidare, og det er vi veldig glad for.

For å prøve å utnytte eigenskaper og ressurser på beste måte, så vert det frå 1.september ei omstrukturering i UngMisjon-staben:

**Eivind Landro** gjev frå seg leiaransvaret og får konsentrere seg om konfirmantundervisning, arbeid inn mot elevar på Borgund Folkehøgskule

og generelt fokus på ungdommene på Sunnmøre. I tillegg skal han leie nybrotsarbeid i ytre bydel, Ålesund.

**Rannveig Nybø** held fram som leirkonsulent, men ynskjer å få reist litt meir ut til lag og bedehus enn det ho tidlegare har høve til. Har de lyst på besøk av Rannveig, eller lurer litt på korleis ein kan melde seg som leiar, ikkje stuss med å ta kontakt.

**Ingrid Kvam Steinshamn** trer inn som leiar i UngMisjon. Ho vil ha ansvar for organisering av arrangement, ledertrening og anna veiledningsarbeid. I tillegg kjem ho til å reise ein del ut som forkynnar på leir, familiemøter o.l.

Vi ser fram til ein spanande haust her på Sunnmøre, og vi vil gjerne at de tek kontakt med oss dersom det er noko det lurar på eller ynskjer å dele med oss.

De finn oss på Facebook, Instagram og på heimesida www.ungmisjon.no.

# Familieleir på Orreneset



Det var mykje morro då familiane samlast på leir.

**Ein flott gjeng med småbarnsforeldre bestemte seg for å samlast på Orreneset 8.-10.august for ein aldri så liten familieleir.**

Tekst og foto: Ingrid K. Steinhamn

Helga vart fylt med leik, god mat, latter, voksenprat og ikkje minst treklossbygging. Ung Misjon hadde med seg ei kasse full i enkle treklossar, og denne fekk aktivisere både liten og stor gjennom heile helga. Det skulle ikkje meir til, rett og slett.

Rolege dagar med god tid, felleskap og verdifulle minne er det som sit att etter ein slik leir. Dette gav verkeleg meirsmak!

Særleg satt foreldra stor pris på samtalane med Erik Furnes på kveldane. Her fekk dei tid og høve til å dele utfordringar og spørsmål i møte med tema rundt Guds leiing og foreldrerolla. Dette var viktig, både som ektepar og som kristne medosken, å få dele med kvarandre. Så vi må rette ein stor takk til Erik, for at han var med oss denne helga.

Leiren vart avrunda med Orrenesstemnet søndagen. Leirstaden vart fylt opp i fleire etasjar med engasjerte vener av leirstaden. Erik Furnes tala til dei vaksne, medan Gry Sæther hadde spanande dramaforteljingar om Gideon og Naaman for dei yngste. Ei innhaldsrik og flott helg for store og små, og vi gler oss alliereie til gjentaking neste år.

Følg oss på [www.ungmisjon.no](http://www.ungmisjon.no), så får du vite meir om familieleiren m.m.



## KRINSNYTT

### Ny krinsformann

På krinsstyremøte onsdag 25. juni vart Hallvard Emblemsvåg frå Emblem vald til ny formann. Hallvard har tidlegare vore formann i både Emblem Indremisjon og Sunnmøre Indremisjon og han har vore med i forbundsstyret i Indremisjonsforbundet (ImF). Det er difor ein leiar med god og brei erfaring som tek over roret for "krinsskuta" etter Per Arne Sæter. Vi er takksame for at han stilte seg til disposisjon og ber om at indremisjonsvenene husker på han og familien hans i forbøn.

### Åndeleg tilsyn

På krinsstyremøtet 25. juni vart også Olav Martin Synnes vald til ny nestformann. Hallvard Emblemsvåg, Olav Martin Synnes og krinsleiar Karl Arne Austnes er åndeleg tilsyn for krinsen. Utifrå lovene til Sunnmøre indremisjon har dei fått eit særleg hyrde- og læreansvar. Ta gjerne kontakt med tilsynsrådet om de har aktuelle saker.

### Prosjektstilling Ytre bydel

Fra 1. september skal Eivind Landro arbeide i ei 20 % stilling som prosjektleiar for «Prosjekt Ytre bydel Ålesund». Han skal i denne stillinga planlegge og legge til rette for satsinga vår i bydelane Aspøya, Skarðvik og Hessøya. Vi ynskjer særleg å nå barn og unge og unge familiær og tek gjerne mot tips på folk som vil stå saman med oss i dette arbeidet. Ta kontakt med Eivind, e.landro@imf.no eller krinsleiar Karl Arne Austnes, ka.austnes@imf.no

### NYTT FRÅ BRUSDALSHEIMEN

Aller først vil vi TAKKE deg som støtter opp om Brusdalsheimen. TAKK for at du bruker leirstaden til ulike arrangement. TAKK for praktisk hjelp og gaver. TAKK til alle som benytta giroen og gav oss «nyttårsgåve» også i år.

Første halvår av 2014 har det vore ganske fullt belegg på kalenderen. Det er nokre ledige helgar no i september og november.

Minner om Inspirasjonshelg for kvinner, i år er datoene satt til 17.-18.oktober. Vi håper på gode og rike dagar. Vi hentar heim att «Godøy-tausa» Anne Nyvoll Furnes som taler, ho underviser no på Bibelskulen Bildøy. Det blir også ein del songkrefter med, og god mat og god prat høyrer sjølv sagt også med, damer i alle aldrar er velkomne!

Også i år blir det Julemarknad. Veret bestemmer om det vert ute i Vikakroken eller inne i Spjelkavik bedehus, 28.-29.november er datoene. Vi tek imot både varer og praktisk hjelp!! Saft og syltetøy, lefser, julekaker, sild, gjærbakt (fersk gjærbakst, rundstykker, aniskringer o.l. er svært populært) diverse handarbeid, drops, mandlar m.m. Ja, bruk fantasi! Vil du vere med anten med varer eller hjelp – kontakt Brusdalsheimen.

Til glede for mange er vi no i full gang med å pusse opp det gamle lysthuset. Nokre karer frå Langevåg er flinke og ordnar med det.

Så ei oppmoding til slutt: SEND BORNA PÅ LEIR! Bli gjerne med, meld deg som leiar – eller kanskje du kan ha kjøkkenteneste, eller vere med å spreie leirbrosjyrar utover. Kanskje du har barnebarn, naboungar eller andre som treng eit puff, eller det er nokon du kan gi ein leir til!!

Vi på Brusdalsheimen ynskjer alle lesarane av Heimemisjonen ein velsigna god haust!



### 2.-4. klasse

Minileir 4	13.-14. sept	Brusdalsheimen	330,-
Minileir 5	1.-2. nov	Bursdalsheimen	330,-
Mini-advent	22.-23. nov	Brusdalsheimen	350,-

### 5.-7. klasse

Orrenesleikane	26.-28. sept	Orreneset	500,-
Hausttreff	24.-26. okt	Brusdalsheimen	500,-

### 8.-10. klasse

Ten Treff 3	19.-21. sept	Orreneset	600,-
Ten Treff 4	14.-16. nov	Orreneset	600,-

## Påmelding Sunnmøre Indremisjon

Tlf: 70 17 86 70 / [sunnmore@imf.no](mailto:sunnmore@imf.no)

Info om leirane og leirplassane finn du på

# www.ungmisjon.no

### BRUKT OG NYTTIG

Besøk vår gjennbruksbutikk på Valderøy til inntekt for det kristne barne- og ungdomsarbeidet på Sunnmøre.

**Åpningstider:**  
Tirsdag frå kl. 11.00 – 16.00  
Torsdag frå kl. 11.00 – 16.00  
Laurdag frå kl. 11.00 – 15.30

Velkommen innom anten du vil GI varer eller KJØPE varer.

Kjell Furnes  
Skjøngholmen 3, NO-6050 Valderøy

Tlf: 95278162  
Mail: [kjell.furnes@mimer.no](mailto:kjell.furnes@mimer.no)